

BRČKO DISTRIKT
BOSNE I HERCEGOVINE
V L A D A



БРЧКО ДИСТРИКТ
БОСНЕ И ХЕРЦЕГОВИНЕ
В Л А Д А

ИНФО

April / Svibanj / Јун, 2022. god.



Активности на усвајању новог Закона о одржавању стамбених зграда у току

Директорица Канцеларије за управљање јавном имовином Брчко дистрикта Босне и Херцеговине Дијана Пајић на конференцији за новинаре казала је да се након што је Влада усвојила Смјернице за израду нацрта закона о одржавању зграда убрзо очекује и усвајања новог закона који би се, како је казала, јасније уредила ова област.

Она је нагласила да се потреба за израдом новог закона јавила због непостојања обједињеног закона који се бави овом тематиком.

„У Брчком у овом тренутку не постоји јединствен закон који би регулисао права и обавезе корисника у погледу одржавања зграда тако да ће нови закон за који је Влада већ усвојила смјернице дефинисати област одржавања зграда у погледу одговорности појединачних етажних власника, и одговорних лица чији ће се статус такође дефинисати законом, те у погледу механизма контроле коришћења, финансирања радова на одржавању стамбеног фонда генерално и надзора над примјеном закона, све с циљем одржавања стања изграђених објеката на задовољавајућем нивоу. Основна потреба за новим законом проистекла је из чињенице да су имовинскоправни односи на постојећим

стамбеним објектима у Брчком измијењени откупом станова, чиме су стамбене зграде које су прошле овај поступак прешле из јавног у приватно власништво“, казала је Пајић.

Тренутни закон који се односи на одржавање стамбених зграда, због измијењених имовинскоправних односа, у великом дијелу није примјењив.

„Највећи проблем је тај што у овом тренутку немамо неки адекватан механизам обвезивања свих корисника стамбених објекта у граду да на вријеме предузимају радове у одржавању стамбених зграда како оне не би дошле у лоше стање физичке очуваности. Корисници зграда су и данас одговорни као етажни власници непокретности и имају одређену обавезу да одржавају ове објекте, међутим, не постоји нигдје јединствен сет правила који дефинише учеснике и процедуре нити предвиђене казнене одредбе за непредузимање радњи, а које ће у новом закону бити дефинисане. Закон дефинише врсте радова у односу на хитност и обим, и моделе финансирања за сваки од њих“, казала је Пајић.

Она је нагласила да радна група ради на нацрту новог закона и да се након усвојених смјерница ускоро очекује и наставак процедуре с циљем његовог усвајања.





Obilježen 4. travanj – Međunarodni dan podizanja svijesti o opasnostima od mina i pružanja pomoći u protuminskom djelovanju

Gradonačelnik Brčko distrikta Bosne i Hercegovine Esed Kadrić nazočio je obilježavanju 4. travnja Međunarodnog dana podizanja svijesti o opasnostima od mina i pružanja pomoći u protuminskom djelovanju. Ovaj događaj organiziran je u zajedničkoj suradnji Povjerenstva za deminiranje sa Vladom Brčko distrikta BiH, Centrom za uklanjanje mina u BiH uz potporu UNDP BiH i NVO Norveška narodna pomoć.

Nakon uvodnih riječi organizatora, nazočnima je prezentiran projekt deminiranja „Brčko Sjever 1“ koji se odvija na područjima mjesnih zajednica Marković Polje, Laništa, Donji Vukšić i Grbavica, kao i pokazna vježba metode „Land Release“, rada


sa psima i uporabe opreme na terenu. Za projekte deminiranja Vlada Distrikta svake godine izdvaja 500.000,00 KM, te su trenutno aktivna dva projekta: Brčko Sjever 1 i Brčko Istok. Sumnjivo opasna površina na području Distrikta umanjila se do 2021. godine, i to sa 54 milijuna m² na 13 milijuna m², te je preostala površina grupirana u sedam minski sumljivih područja: Brčko Istok, Brčko Sjever 1, Brčko Zapad, Boderište, Vukšić Skakava, Ulice Rahić Bukovac i Brčko Sjever 2.

Gradonačelnik Kadrić potpisao Memorandum o saradnji sa romskom zajednicom

Gradonačelnik Brčko distrikta Bosne i Hercegovine Esed Kadrić potpisao je, u ime Vlade, Memorandum o saradnji sa romskom zajednicom zajedno sa predstavnicom romske zajednice Mejrom Šečić i predsjednikom Skupštine Sinišom Milićem. Osnovni cilj potpisivanja ovog memoranduma jeste integracija pripadnika romske populacije u oblastima obrazovanja, zapošljavanja, zdravlja i stambenog zbrinjavanja, kao i izražavanje dobre volje na zajedničkoj saradnji u integraciji Roma i Romkinja u društvo.

„Potpisivanjem ovog memoranduma, Vlada je potvrdila nastavak svoje posvećenosti i brige o romskoj populaciji dominantno kroz programe i projekte stambenog zbrinjavanja, socijalne pomoći, zdravstvene zaštite i uključivanja romske djece u obrazovno-nastavni proces“, kazao je prisutnima gradonačelnik Kadrić. On je ujedno čestitao predstojeći 8. april Međunarodni dan Roma, povodom kojeg je ispred Gradske vijećnice danas postavljena romska zastava.





Обновљена туристичка сигнализација

На основу реализације капиталног буџета Одјељења за привредни развој, спорт и културу Владе Брчко дистрикта Босне и Херцеговине успешно је окончан пројекат прве фазе постављања туристичке сигнализације.

Пројекат је рађен уз финансијску подршку Европске уније и Савезног министарства за економску сарадњу и развој Републике Њемачке која је финансирала Студију за постављање знакова туристичке сигнализације за 33 објекта. У Студији су прецизиране просторне локације и опис сваког знака за објекат као и графичко рјешење, пиктограм.

У складу са расположивим средствима у капиталном буџету Одјељење за привредни развој, спорт и културу расписало је тендер

на основу којег је потписан уговор са најповољнијим понуђачем, који је у цијелости квалитетно и у предвиђеном року поставио 80 знакова за 33 објекта, чиме је окончана реализација пројекта.

Приликом постављања знакова поштован је Правилник о туристичкој сигнализацији на путевима у БиХ као и специфичности поштовања писма и језика у Брчко дистрикту БиХ.

На листи објеката који су обухваћени овим пројектом налазе се смјештајни и угоститељски капацитети, вјерски објекти, излетишта, објекти који су у статусу заштите на нивоу државе, споменици, објекти културе и спорта, али и тржни центри и други важни локалитети.

Visoki predstavnik za BiH Christian Schmidt boravio u Gradskoj vijećnici



Visoki predstavnik za Bosnu i Hercegovinu Christian Schmidt boravio je u svojoj prvoj posjeti Brčko distriktu BiH, prilikom koje je posjetio Gradsku vijećnicu i održao sastanak s gradonačelnikom Distrikta Esedom Kadrićem, zamjenikom gradonačelnika Antom Domićem te potpredsjednikom Skupštine Ivom Filipovićem o aktuelnim dešavanjima, razvoju, potencijalu i budućnosti Distrikta. U pratnji visokog predstavnika bio je njegov prvi zamjenik i supervizor za Brčko distrikt BiH gospodin Michael Scanlan.

Prisutni zvaničnici su razgovarali o reformama koje provodi Vlada Distrikta, procesa koji se tiču izgradnje infrastrukture na području Distrikta kao i djelovanje po pitanju poslovnih inicijativa i sveukupnog privrednog razvoja lokalne zajednice. Kako je u svom obraćanju novinarima kazao gradonačelnik Kadrić, neophodno je da se konstatuje važnost ustavne pozicije Distrikta i

očuvanje iste u trenutnim okolnostima, kao i korištenje mogućnosti koje su Brčkom zagarantovane s ciljem pružanja perspektive građanima Distrikta i ostanku mladih u svojoj zajednici.

Visoki predstavnik podijelio je svoje utiske kazavši da je Brčko distrikt BiH jedinstveno mjesto s brojnim prednostima kao što su željeznička, putna i trgovinska povezanost.

„Vrlo sam ohrabren informacijama koje sam čuo u pogledu vladavine prava i aktivnosti koje se u toj oblasti provode u Brčkom i mislim da je ovo prilika za neke druge u Bosni i Hercegovini da vide kako stvari mogu funkcionisati. Vidim da se ovdje u Brčkom provode aktivnosti kada je u pitanju borba protiv korupcije te pozivam na nastavak provođenja istih“, istakao je Schmidt, te dodao da Brčko distrikt BiH predstavlja pozitivan primjer zajednice koja prihvata i koristi prilike za svoj razvoj.

Čelnici Vlade Distrikta upriličili prijem za veleposlanika Rumunjske u BiH

Gradonačelnik Brčko distrikta Bosne i Hercegovine Esed Kadrić, dogradonačelnik Anto Domić i glavni koordinator Željko Antić održali su sastanak s veleposlanikom Rumunjske u Bosni i Hercegovini N.J.E. Antonom Pacuretuom i njegovim suradnikom gospodinom Andrei-em Gliscom prilikom njihove prve službene posjete Distriktu.

Veleposlanik Pacuretu je tijekom sastanka upoznat s načinom rada izvršne vlasti, aktivnostima i infrastrukturnim projektima koji se trenutno provode na području Distrikta, nakon čega je pokazao zainteresiranost za ekonomskim prilikama i

mogućnostima ulaganja kao vid suradnje između Rumunjske i Brčko distrikta BiH. Poseban akcent stavio je na potencijal brčanske luke, s obzirom da Brčko ima pogodan i važan geostrateški položaj kada je u pitanju brodski transport robe i dobara između zemalja Europske unije i Bosne i Hercegovine. Na kraju sastanka, Pacuretu se zahvalio na srdačnom prijemu, kazavši kako će svoje impresije i dobivene informacije prenijeti rumunjskim kompanijama i investitorima, koji su već ostvarili dobru poslovnu suradnju sa zajednicama u Bosni i Hercegovini.

Gradonačelnik prisustvovao obilježavanju 65 godina djelovanja Protestantske evanđeoske crkve

Povodom 65 godina rada i djelovanja Protestantske evanđeoske crkve u Brčkom organizovana je svečanost u prostorijama crkve kojoj je prisustvovao gradonačelnik Brčko distrikta Bosne i Hercegovine Esed Kadrić.

On je u svom obraćanju kazao da je Vlada Distrikta posvećena u održavanju iskrene i korektne saradnje sa svim vjerskim zajednicama u Brčko distriktu BiH, bez obzira na brojnost njihovih pripadnika.

„Brčanske vlasti su danas dobile priznanje za pažnju i brigu koju pružaju ovoj crkvi i nastaviti ćemo s pružanjem neophodne podrške jer su i oni dio nas i ukupnog bogatstva različitosti koje Brčko distrikt BiH posjeduje“, kazao je Kadrić, te mu je za pomoć koju pruža u radu crkve uručena zahvalnica.

Pastor Vukašin Vuković zahvalio se prisutnim zvanicima na dolasku, kazavši da je crkva prošla kroz određene poteškoće tokom svoje registracije u proljeće 1957. godine, ali da danas, uz nesebičnu pomoć svojih sugrađana, predstavnika vlasti i vjerskih vođa iz Brčko distrikta, proslavljaju ovaj

Potpisan Projektni ugovor „Zeleni gradovi 2 Vodovod Brčko“

Projektni ugovor „Zeleni gradovi 2 Vodovod Brčko“ potpisan je u Gradskoj vijećnici, kojim se nastavlja saradnja Brčko distrikta BiH i Evropske banke za obnovu i razvoj BiH (EBRD) u sklopu programa Zeleni gradovi. Ugovor su potpisali gradonačelnik Brčko distrikta BiH Esed Kadrić, direktorica EBRD-a Manuela Naessl i direktor „JP Komunalno Brčko“ Kemal Atić, čime su Distriktu stavljena na raspolaganje sredstva u visini od 6.500.000 evra, za provođenje navedenog projekta. Potpisani projektni ugovor koncipiran je na pomoći u finansiranju izgradnje cjevovoda koji će doprinijeti regulaciji pritiska vode na čitavom urbanom području Distrikta, smanjenju gubitaka vode, ostvarenju uštede energije te povećanju pokrivenosti vodoopskrbnom mrežom, što predstavlja naredni korak koji Distrikt preduzima

nakon što je prošle godine pristupio mreži zelenih gradova.

Potpisivanju je prethodio sastanak na kojem su, osim potpisnika, prisustvovali zamjenik gradonačelnika Anto Domić, glavni koordinatorski Vlade Željko Antić, šef Odjeljenja za komunalne poslove Majazudin Vehabović, šef Odjeljenja za privredni razvoj, sport i kulturu Pero Gudeljević, te predstavnici Evropske banke za program Zelenih gradova i tom prilikom su razgovarali o budućim projektima koji će se implementirati na području Distrikta u sklopu ovog programa.

U Gradskoj vijećnici je ovom prilikom potpisan i Ugovor o grantu za provođenje korporativnog plana razvoja Luke Brčko, u visini od 10.000.000,00 evra, između direktorice EBRD i Perice Josića, direktora Luke Brčko.





Одобрен Нacрт закона о civilним жртвaма рaтa

Vlada Brčko distrikta Bosne i Hercegovine na 54. redovnoj sjednici odobrila je Nacrt zakona o civilnim žrtvama rata Brčko distrikta BiH kojim se utvrđuje status i prava civilnih žrtava rata i drugih lica s prebivalištem u Distriktu.

Šef Odjeljenja za zdravstvo i ostale usluge Vlade Brčko distrikta BiH Sead Šadić kazao je da se nakon usvojenog Nacrta zakon prosljeđuje u skupštinsku proceduru.

„Bitno je istaknuti da ovaj zakon ne donosi novine u odnosu na postojeću odluku Skupštine Brčko distrikta BiH. Podsjećam da je u prvoj polovini maja 2021. godine Vlada usvojila smjernicu samo s jednom tezom, a to je da postojeću odluku Skupštine pretoči u zakon, što je radna grupa i uradila, s tim da smo, napominjem, mi već u novembru prošle godine dobili i pozitivna mišljenja od svih relevantnih udruženja koji već primjenjuju i imaju interes za primjenom ovog zakona“, kazao je Šadić.

On je naglasio da očekuje da i Skupština usvoji ovaj zakon kako bi bio u primjeni.

„U međuvremenu se pojavljuju i određene inicijative da se na postojeći Nacrt zakona već može i amandmanski djelovati što vjerujem da će zastupnici u Skupštini i drugi ovlašteni predlagači i učiniti. Riječ je o uvođenju novih prava kao što su, između ostalog, pravo da djeca koja su proistekla iz čina silovanja mogu ostvarivati određene benefite. U postojećoj odluci na području Distrikta, koja se primjenjuje od 2012. godine, oni nisu bili uključeni. Na osnovu preporuka međunarodnih organizacija postoji inicijativa da se, između ostalog, i to pravo uvede u postojeći zakon kao i da imaju određene pogodnosti prilikom upisivanja u obrazovne ustanove“, kazao je Šadić.

Vlada je prije početka 54. redovne sjednice okončala i 53. redovnu sjednicu na kojoj je odobrila Nacrt odluke o odobravanju prijedloga regulacionog plana „Zona rada i industrije baza McGovern“ u Brčko distriktu BiH.



U Brčkom svečano obilježen Međunarodni dan medicinskih sestara-tehničara

Svečanom akademijom u Domu kulture u Brčkom obilježen je Međunarodni dan medicinskih sestara-tehničara uz organizaciju niza događaja koji su dali na značaju i važnosti ovog dana.

Šef Odjeljenja za zdravstvo i ostale usluge Vlade Brčko distrikta Bosne i Hercegovine Sead Šadić kazao je da je danas Distrikt centar BiH.

„Pored Distrikta uključena su i oba entiteta u BiH i zajedno obilježavamo ovaj značajan datum. Mi kao lokalna zajednica nastojimo da status medicinskih sestara i tehničara poboljšamo i ukažemo na značaju i vjerujem da ćemo u budućnosti ovakve i slične aktivnosti nastaviti da obilježavamo zajedno s resornim ministarstvima oba bh. entiteta“, kazao je Šadić.

Pomoćnik federalnog ministra za zdravstvo Goran Čerkez kazao je da jedan od glavnih stubova zdravstvene zaštite čine sestre.

„Najbolje su dokazali svoju požrtvovanost, humanost profesionalnost tokom pandemije COVID-19. U budućnosti očekujemo još bolju saradnju i očekujemo da će se ojačati i razna sestrinska udruženja“, kazao je Čerkez.

Pomoćnik ministra zdravlja i socijalne zaštite u vladi Republike Srpske Milan Latinović kazao je da su medicinski tehničari i sestre u vrijeme pandemije pokazali veliku odgovornost i požrtvovanost u pružanju zdravstvenih usluga.

„U narednim aktivnostima potrebno je napraviti važan korak ka izradi standardnih operativnih procedura koje će olakšati medicinskim sestrama i njihov svakodnevni rad kako bi se ujedno podigao i standard usluga koje pružaju u svojim zdravstvenim ustanovama“, istakao je Latinović.

Šef zdravstvenog sektora Ambasade Švicarske u BiH Laurent Ruedin kazao je da je od 2012. godine Vlada

Švicarske osigurala značajna sredstva za razvoj sestrinstva u BiH.

„To smo uradili zato što smo uvjereni da je ulaganje u sestrinsku profesiju ulaganje u razvoj ove zemlje. Preostaje još dosta toga da se uradi kako bi se unaprijedio kvalitet zdravstvenih usluga i kako bi se pomoglo medicinskim sestrama i tehničarima“, kazao je Ruedin.

Menadžer Projekta jačanja sestrinstva u BiH Eldin Fišeković kazao je da je ovogodišnja proslava usmjerena ka promociji dosad urađenih aktivnosti u pandemijsko vrijeme kao i priručnicima sa standardnim operativnim procedurama za primarni nivo zdravstvene zaštite u RS-u i sekundarni i tercijarni nivo zdravstvene zaštite u Federaciji BiH koji su urađeni u okviru ProSes projekta.

U okviru obilježavanja Međunarodnog dana medicinskih sestara-tehničara organizovana je i pokazna vježba ispred platoa Doma kulture u organizaciji Odjeljenja za zdravstvo i ostale usluge Vlade Brčko distrikta BiH, Odjeljenja za javnu sigurnost Vlade Brčko distrikta BiH, Javne zdravstvene ustanove „Zdravstveni centar Brčko“ Brčko distrikt BiH, Crvenog krsta/križa Brčko i Udruženja zdravstvenih tehničara „Medicinar“ Brčko, a nakon toga upriličena je i šetnja podrške medicinskim sestrama i tehničarima kao i aktivnosti mjerenja šećera u krvi, pritiska i savjetovanja građana na Trgu mladih.

Projekat „Jačanje sestrinstva u BiH“ finansira Vlada Švicarske, a provode ga Fondacija fami u BiH i Ženevske univerzitetske bolnice u saradnji s Ministarstvom zdravlja i socijalne zaštite RS-a i Federalnim ministarstvom zdravstva i zdravstvenim institucijama, uključujući i obrazovne institucije širom BiH.

У Вијећници организован пријем за учеснике „Кобасице феста“

Главни координатор Владе Брчко дистрикта Босне и Херцеговине Жељко Антић у Вијећници примио је организаторе и учеснике друге по реду Привредно-туристичке манифестације „Кобасице феста“ Брчко дистрикта БиХ на којој су учествовали излагачи кулена, кобасице, сира, вина и ракије из Србије, Хрватске и БиХ.

Главни координатор је током разговора истакао важност ове манифестације и нагласио да ће Влада наставити да подржава рад „Воћног клуба“ из Брчког који је организатор догађаја.

„Ми смо као Влада препознали ову манифестацију и надам се да ће прерасти у једну традицију и да ће ући у један од календара туристичких манифестација у Дистрикту“, казао је Антић.

Координатор „Воћног клуба“ Саво Лукић захвалио се Влади и Кабинету градоначелника на подршци која, како је казао, уједно омогућава и да се сви гости у Брчком осјећају пријатно.





Radovi na projektima „Željeznički kanal“ MZ Klanac i „Vodovodna mreža Druga faza“ u MZ Vučilovac

Predstojnik Odjela za komunalne poslove Vlade Brčko distrikta Bosne i Hercegovine Majazudin Vehabović obišao je radove na izgradnji dijela oborinskog i dijela fekalnog kolektora „Željeznički kanal“ u Mjesnoj zajednici Klanac.

„Ovaj projekt radio se u više etapa, sada se nalazi u završnoj fazi koja obuhvaća dužinu od 580 metara. Izvođač radova je firma „Balegem“ Gradačac, koja je 12. travnja 2022. godine započela radove i od tada teče rok od 150 radnih dana za završetak radova“, kazao je

Vehabović, te je dodao da se radi o projektu vrijednom oko 400.000,00 KM.

Vehabović je također obišao radove na drugoj fazi izgradnje vodovodne mreže u Mjesnoj zajednici Vučilovac, čijim završetkom će biti rekonstruirano oko 50 posto glavnog cjevovoda.

„Vrijednost ovog projekta je oko 120.000,00 KM, a izvođač radova firma „Balegem“ Gradačac ima rok od 60 dana obaviti radove“, izjavio je Vehabović.

Gordana Berjan razgovarala o mladima u Distriktu



U prostorijama Omladinskog centra (Centra za mlade) Brčko distrikta Bosne i Hercegovine boravila je Gordana Berjan, izvršna ravnateljica Centra za mlade Vijeća Europe u Budimpešti, a zajedno s Teom Ružić, savjetnicom gradonačelnika, i Srđanom Kisićem, višim stručnim suradnikom za Omladinski centar (Centar za mlade), obišla je prostorije i razgovarala o suradnji Vlade Brčko distrikta BiH sa Vijećem Europe i drugim međunarodnim organizacijama koje se bave pitanjima mladih.

Berjan je iskoristila posjet da se upozna s radom centra, problemima s kojima se susreće, kao i suradnji Vlade s nevladinim organizacijama. Ona je kazala kako je vrlo važno da se za mlade osigura adekvatan

prostor u kojima će moći biti aktivni, u smislu organiziranja različitih događanja, manifestacija, radionica, seminara, te da ovaj brčanski centar raspolaže s pogodnim prostorijama, kojima bi bilo potrebna adaptacija, s obzirom na veliki broj različitih aktivnosti koje se u istom realiziraju.

Ružić i Kisić su sa Berjan također razgovarali o mogućim studijskim posjetima mladih iz Brčkog Centru za mlade Vijeća Europe u Budimpešti, te su naglasili opredjeljenost Vlade Distrikta u kreiranju kvalitetne politike za mladež i Strategije prema mladima, kako bi se mladima stvorio bolji ambijent za djelovanje i njihov aktivizam.

Одржан 18. међународни тениски турнир „БРЧКО ОПЕН 2022“

У просторијама Градске вијећнице одржана је конференција за новинаре поводом одржавања 18. међународног тениског турнира „БРЧКО ОПЕН 2022“, а почетак турнира најавио је градоначелник Брчко дистрикта Босне и Херцеговине Есед Кадрић.

Градоначелник Кадрић је у свом обраћању медијима казао да Влада Брчко дистрикта БиХ наставља подржавати све вриједне и важне спортске догађаје и манифестације, те да је ово једна од најсвјетлијих која заслужује посебну пажњу и подршку.

„Задовољство ми је да у име Владе Брчко дистрикта БиХ могу најавити да смо по осамнаести пут покровитељи међународног тениског турнира „БРЧКО ОПЕН 2022“, најстаријег турнира из ове

категорије у БиХ. Радује нас чињеница да се ради о значајном међународном догађају. Учествовало је много младих људи из региона, Европе и свијета што је најбољи показатељ Брчког као града спорта и града тениса“, казао је градоначелник Кадрић.

Томислав Ђокић, директор тениског клуба „Прохема“ и водитељ турнира, изразио је захвалност на подршци која није изостала све ове године те истакао да је управо клуб „Прохема“ са највећим искуством у организацији оваквих и сличних турнира.

Ове године учешће на турниру узела су и двојица младих Брчака, Џенан Баковић и Андреј Ђокић. Осим њих још пет младих тенисера из БиХ играло је своје мечеве на теренима ТК „Прохема“.





Vlada odobrila Nacrt zakona o obnovljivim izvorima energije i učinkovitoj kogeneraciji Brčko distrikta BiH

Vlada Brčko distrikta Bosne i Hercegovine okončala je 54. redovitu sjednicu odobrivši Nacrt zakona o obnovljivim izvorima energije i učinkovitoj kogeneraciji Brčko distrikta BiH na prijedlog Odjela za komunalne poslove.

Kako je navedeno u nacrtu, ovim Zakonom propisuje se, između ostalog, proizvodnja električne energije iz obnovljivih izvora, planiranje, promoviranje i poticanje proizvodnje i potrošnje energije iz obnovljivih izvora i u učinkovitoj kogeneraciji, te definiranje odgovarajuće tehnologije za korištenje ovih izvora energije.

Vlada je ujedno održala 55. redovitu sjednicu usvojivši prijedlog Odjela za gospodarski razvitak, šport i kulturu vezano za Odluku o odobravanju tekućeg transfera i usvajanju programa utroška sredstava u korist Razvojno-garancijskog fonda Brčko distrikta BiH za Program subvencioniranja dijela kamata za kredite poduzećima, poduzetnicima i nositeljima poljoprivrednih kućanstava na području Brčko distrikta BiH u iznosu od 1.200.000,00 KM.

Svrha programa jeste omogućiti poduzećima, poduzetnicima i nositeljima poljoprivrednih gazdinstava na području Distrikta povoljniji pristup

financijskim sredstvima kroz subvenciju dijela kamata, a Razvojno-garancijski fond će donijeti pravila i procedure kojima će urediti način i procedure za odobravanje i isplatu subvencioniranog dijela kamate.

Na prijedlog Odjela za stručne i administrativne poslove usvojen je Prijedlog odluke o odobravanju tekuće donacije i usvajanju programa utroška sredstava za financiranje udrugama građana koja za cilj imaju poboljšanje društveno-ekonomskog položaja umirovljenika od posebnog interesa za 2022. godinu. U svrhu programa, koja se odnosi na financiranje tekućih administrativnih troškova udruga, odobren je iznos od 100.000,00 KM.

Također, na prijedlog spomenutog Odjela, Vlada je usvojila Odluku o odobravanju tekuće donacije i usvajanju programa utroška sredstava za financiranje udrugama građana koja za cilj imaju zaštitu prava i interesa demobiliziranih branitelja, definiranje, ostvarivanje i praćenje ostvarivanja prava obitelji zarobljenih, poginulih i nestalih branitelja i civilnih žrtava proisteklih iz proteklih ratova XX. vijeka od posebnog interesa za 2022. godinu u iznosu od 390.000,00 KM.

U Vijećnici potpisani Memorandum i Sporazum o saradnji između Distrikta i Uprave za indirektno oporezivanje BiH

U Gradskoj vijećnici potpisani su Memorandum i Sporazum o saradnji između Brčko distrikta Bosne i Hercegovine i Uprave za indirektno oporezivanje Bosne i Hercegovine, a potpisali su ih gradonačelnik Distrikta Esed Kadrić, šef Policije Distrikta Goran Pisić i direktor Uprave Miro Džakula.

Kako je gradonačelnik kazao u svom obraćanju na konferenciji za novinare, radi se o provođenju dobre inicijative koja se uklapa u politiku Vlade Distrikta koja se tiče osiguranja uslova za sjedišta institucija Bosne i Hercegovine da na području Brčko distrikta BiH.

„Uprava za indirektno oporezivanje BiH je za nas neizmjereno važna institucija, s obzirom da se od njenog rada i angažmana obezbijedi praktično oko 83 posto budžeta Distrikta i važna nam je spremnost Uprave da u Brčkom uspostavi sjedište svog centra za obuku. Mi smo se Sporazumom obavezali da će Distrikt isfinansirati izgradnju centra na osnovu idejnih rješenja i projekata koje ponudi Uprava. Dok taj objekat ne bude gotov, mi smo, uz razumijevanje šefa Policije i Policije Brčko distrikta BiH, stvorili pretpostavke da Uprava krene s radom u zgradi Policije“, izjavio je Kadrić dodajući da će Uprava koristiti raspoloživ prostor Policije za obuke svojih zaposlenika kojih trenutno ima preko 2.000.

Direktor Uprave Miro Džakula iskazao je svoje

zadovoljstvo današnjim potpisivanjem Memoranduma i sporazuma o saradnji, ističući da je Uprava ključna institucija za fiskalnu stabilnost Bosne i Hercegovine i svih nivoa vlasti države.

„Na razgovoru s gradonačelnikom Kadrićem došli smo na ovu zajedničku ideju za koju smo dobili podršku, te se zahvaljujemo i Policiji Brčko distrikta BiH u čijoj zgradi smo dobili adekvatne prostorije za formiranje našeg nastavničko-školskog centra. Dakle, u Brčkom će se napraviti zgrada sa amfiteatrom, učionicama, salama, jedan referentni centar za obuku kao što to imaju i druge carinske uprave od Austrije, Njemačke i drugih zemalja“, kazao je direktor Džakula. On je dodao da će se Uprava potruditi da budući nastavno-školski centar bude od koristi svima, pa i gradu Brčkom, kao mjesta gdje će se vršiti obuke saradnika Uprave iz Hrvatske, Srbije i drugih evropskih poreznih administracija.

Potpisivanju je prethodio sastanak kojem su prisustvovali zamjenik gradonačelnika Anto Domić, glavni koordinator Vlade Željko Antić, predsjednik Skupštine Siniša Milić, zamjenik Ivo Filipović kao i delegacija Uprave za indirektno oporezivanje BiH, a uslijedio je obilazak prostorija koje će biti stavljene na raspolaganje Upravi u svrhu obuka u zgradi Policije Brčko distrikta BiH.





Prezentovana idejna rješenja za multifunkcionalnu gradsku dvoranu u Brčkom

U Gradskoj vijećnici održana je izložbena prezentacija 8 prvorangiranih rješenja po raspisanom konkursu za izradu idejnog rješenja gradske multifunkcionalne dvorane, gdje su se zainteresovani mogli upoznati s detaljima i razgovarati o izloženim rješenjima.

Kako je u svom obraćanju novinarima kazao gradonačelnik Esed Kadrić, Vlada Distrikta se duži niz godina bavi pitanjem gradske dvorane te je u zadnjih godinu dana intenzivirala pripreme za početak izgradnje ovog važnog infrastrukturnog objekta u Distriktu za potrebe lokalnih sportskih klubova.

„Prezentovali smo idejna rješenja multifunkcionalne gradske dvorane koje je naručilo Odjeljenje za javne poslove u prošlom mandatu, a koje nismo mogli prezentovati zbog pandemije korona virusa i praktično je Vlada u međuvremenu izradila projektni zadatak i prosljedila Zavodu za planiranje, projektovanje i razvoj kako bismo krenuli s projektovanjem dvorane sa zatvorenim bazenima“, kazao je Kadrić, dodajući da je Vlada angažovala Građevinsko-geološki institut iz Tuzle za provjeru kvalitete sadašnje konstrukcije gradskih bazena. „Procijenjeno je da možemo inkorporirati jedan od ponuđenih koncepata na postojeće konstrukcije

gradskih bazena i da se gradi nova dvorana. Inicijalno je obezbijeđeno oko 2,5 miliona maraka za početak izgradnje ovog objekta“, izjavio je Kadrić.

Nenad Radojković, šef Pododjeljenja za javne objekte u Odjeljenju za javne poslove, kazao je da je konkurs za izradu idejnog arhitektonskog rješenja gradske dvorane i bazena proveden u 2020. godini s ciljem da se dođe do kvalitetnog rješenja koje će poslužiti za nastavak projektnih aktivnosti koje se tiču izrade prostorno-planske i projektne dokumentacije.

„U posljednje dvije godine sukobljavaju se dva koncepta, jedan se odnosi na maksimalno iskorištavanje postojećih objekata uz nastavak radova na izgradnji dvorane i zatvaranja postojećeg bazena, a drugi koncept se odnosi na novu izgradnju jednog od ponuđenih idejnih rješenja na toj ili nekoj drugoj lokaciji. Prije godinu dana je Vlada donijela zaključak da se radovi nastave na postojećim objektima i nakon izvršenih ispitivanja i analize, dobili smo konačan nalaz da su objekti upotrebljivi uz odgovarajuće sanacione radove. Ovdje su danas prezentovana idejna rješenja Zavoda kako bi se realizovalo prethodno spomenuto u smislu sagledavanja najbolje varijante za implementacije ovog projekta“, pojasnio je Radojković.

U Distriktu održan jubilarni Međunarodni turnir “10. Bulls Cup 2022”





Gradonačelnik Brčko distrikta Bosne i Hercegovine Esed Kadrić zajedno s predstavnicima „Balkan projekta“ najavili su jubilarno održavanje Međunarodnog turnira „10. Bulls Cup 2022“ u Distriktu za uzraste od 9 do 12 godina na kojem je učestvovalo 1.200 učesnika i 75 ekipa iz BiH, Srbije, Hrvatske Austrije, Rumunije i Sjeverne Makedonije.

Gradonačelnik je kazao da se radi o značajnom sportskom događaju i naglasio da će Vlada nastaviti i u budućnosti pružati podršku ovom turniru.

„Zasigurno se radi o značajnom događaju za Distrikt i nastaviti ćemo s pružanjem podrške. Turnir je, također, imao važnu ulogu i u turističkoj ponudi Distrikta“, kazao je Kadrić.

Predstavnik „Balkan projekta“ Nikola Šarkanović zahvalio se gradu i gradonačelniku na pruženoj podršci i što su prepoznali kvalitetnu priču.

„Pored takmičenja poslali smo i pozitivne poruke gradu i građanima i pokazali značajnost druženja s osobama iz različitih država, gradova, vjera i nacija i pokazali smo važnost odgajanja mladih u sportskom duhu“, istakao je Šarkanović.

Alexander Rakowitz, predstavnik „Balkan projekta“, kazao je da je glavni cilj turnira bio edukacija mladih kroz fudbal.

„Mi hoćemo da kroz fudbal i turnire spojimo mališane različitih vjera, nacija iz različitih gradova i država i da ih odgojimo za bolji svijet, za bolji život u budućnosti“, kazao je Rakowitz.

Tradicionalni međunarodni fudbalski turnir održan je 28. i 29. maja na fudbalskim terenima FK „Izbor“, Potočari-Brčko i Donji Rahić. Turnir je odigran u pet starosnih kategorija 2010, 2011, 2012, 2013. i 2014. godište.



Влада Дистрикта упућује иницијативу о повећању неопорезивог дијела плаћа у Дистрикту

Влада Брчко дистрикта Босне и Херцеговине упутит ће приједлог за измјену Закона о порезу на доходак који се односи на повећање неопорезивог дијела плаћа у Брчко дистрикту БиХ са садашњих 500 КМ на 1.200 КМ.

Ова иницијатива ће бити упућена у скупштинску процедуру, а њена примјена очекује се од 1. 7. 2022. године.

Како је на конференцији за новинаре казао рavnателј Дирекције за финансије Дистрикта Мато Лучић, до сада је у Брчком код опорезивања доhotка кориштен износ од 500 КМ за свакoг запoслeног, односно

коэффициент 1, а за сваку издржавану особу коэффициент 0,5 што износи 250 КМ за издржавану особу који се не опорезује при исплаћивању плаћа.

„Због тренутне ситуације узроковане растом цијена, одлучили смо да се овај износ повећа са 500 КМ на 1.200 КМ, што значи да ће за издржавану особу имати 600 КМ неопорезивог дијела. Желим да напоменем да имамo три система опорезивања: RS, FBiH и Брчко дистрикт БиХ и, након што смо размотрили најбољи начин да се помогне свим запoслeницима у Дистрикту, могу рећи да ће ова олакшица бити највећа у БиХ“, изјавио је Лучић.

Потписан Споразум о сарадњи између Агенција за државну службу и брчанског Пододјелјења за људске ресурсе

У организацији Међународне школе за јавну управу (ReSPA) у Мостару је организован први састанак Форума директора агенција за државну службу/управу у Босни и Херцеговини, који укључује и представника Брчко дистрикта БиХ кроз функцију шефа Пододјелјења за људске ресурсе.

Састанак који је одржан 31. маја и 1. јуна ове године испунио је два главна циља и то званично покретање Форума директора и успостављање платформе за дискусију међу учесницима о низу питања која се тичу функције управљања људским ресурсима.

Разговарано је о презентацији приоритета у раду, будућим заједничким активностима, приоритетима за модернизацију јединица за људске ресурсе, идентификацији потенцијалних заједничких пројекатних иницијатива те одрживости форума.

укључујући и могућност самофинансирања.

На састанку је потписан Споразум о сарадњи и договорена динамика будућих активности усмјерених на јачање капацитета државних службеника како у агенцијама за државну службу/управу и Пододјелјењу за људске ресурсе, тако и у другим, појединачним институцијама и органима; те заштити и афирмацији позиције и статуса потписника Споразума, као и унапређење материјално-техничких услова у којима исте раде.

Састанку су присуствовали директори агенција за државну службу/управу у Босни и Херцеговини, те Аријана Ђулибрк, шефица Пододјелјења за људске ресурсе у Влади Брчко дистрикта БиХ, са сарадницима.

Састанку су такође присуствовале и представнице Регионалне школе за јавну управу (ReSPA).



Kadrić i Domić nazočili otvorenju renovirane Umjetničke galerije „Šimun“ u Dubravama

U Franjevačkom samostanu Bezgrešnog začeća Blažene Djevice Marije u mjestu Dubrave Brčko distrikta Bosne i Hercegovine, upriličeno je otvorenje renoviranog prostora Umjetničke galerije „Šimun“ u kojoj je izloženo preko 600 artefakta različitih kiparskih i slikarskih umjetničkih djela. Otvorenju su nazočili gradonačelnik Distrikta Esed Kadrić i dogradonačelnik Anto Domić.

Gradonačelnik Kadrić izjavio je kako Vlada intenzivno radi na formiranju turističke zajednice u svrhu prezentiranja i očuvanja objekata i lokacija, umjetničkih i drugih kulturoloških vrijednosti koje Brčko distrikt BiH posjeduje, te će osigurati kontinuirano financiranje i brigu, kako o spomenutoj galeriji, tako i o drugim umjetničkim subjektima koji za sada u Distriktu nemaju institucionalnu podršku. „Brčko je poznato po talentima u slikarstvu i ovo će biti prilika da se dođe u Dubrave i uči iz djela koje Galerija posjeduje“, dodao je Kadrić „Vlada Distrikta ima namjeru da značajnije djeluje, kako na Legat „Ekmečić“ tako i na Galeriju „Šimun“ kako bi ova umjetnička djela neprocjenjive vrijednosti mogle biti svakodnevno viđene i prezentirane i kako bi



mogle biti nadahnuće za možda neke nove umjetnike ili kreatore koji će se baviti umjetnošću“, kazao je u svom obraćanju zamjenik gradonačelnika Anto Domić.

On je dodao da je Franjevački samostan Blažene Djevice Marije u Dubravama kulturno i vjersko središte Hrvata ovog kraja jer ovaj samostan, izuzev Galerije, ima muzej i knjižnicu u kojoj se čuvaju važni dokumenti i eksponati vezani za postojanje Hrvata i katoličke vjere na ovom prostoru.

Fra Niko Josić, gvardijan Franjevačkog samostana u Dubravama zahvalio se Vladi Brčko distrikta, Jedinici za implementaciju projekata iz međunarodnih fondova Razvojno-garancijskog fonda Distrikta, te Središnjem državnom uredu Republike Hrvatske za Hrvate izvan RH na pružanju podrške i potpomaganju u renoviranju prostora Galerije „Šimun“.

„Sadržaj ove Galerije nije samo sakralnog, nego je i profanog tipa i u sebi sadrži djela gotovo svih poznatijih slikara XX. stoljeća koji imaju veze sa Bosnom i Hercegovinom i ovim krajem. Drago mi je da možemo prikazati kako Brčko distrikt Bosne i Hercegovine ima ovako značajne institucije kao što je Galerija „Šimun“ u Dubravama“ izjavio je fra Josić.

Gradonačelnik ugostio nagrađene učenike Osnovne muzičke škole Brčko





Gradonačelnik Brčko distrikta BiH Esed Kadrić upriličio je prijem za kolektiv i učenike Osnovne muzičke škole iz Brčkog povodom nagrada koje su učenici osvojili na međunarodnim takmičenjima u školskoj 2021/2022. godini. Prijemu su prisustvovali glavni koordinator Vlade Željko Antić, šef Odjeljenja za obrazovanje Zoran Bulatović i šefica Pododjeljenja za predškolsko i osnovno obrazovanje Mara Matkić.

Direktor škole Jasmin Hasić se u ime kolektiva zahvalio na prijemu te je predstavio ostvarene međunarodne uspjehe učenika nakon čega su prisutni razgovarali o osnivanju srednje muzičke škole u Brčkom. Gradonačelnik Kadrić kazao je da Vlada Distrikta intenzivno radi na pronalasku rješenja za pozicioniranje iste te je prisutnim učenicima poželio sreću na dolazećim takmičenjima i da nastave predstavljati Brčko kao grad muzičkih talenata.

Ujedno, učenici su iskoristili priliku da prenesu svoje utiske sa takmičenja, kazavši da ulažu puno truda i rada u vježbanju, ali i da je njihova glavna motivacija za uspjeh upravo ljubav prema sviranju i muzici.

Učenici Muzičke škole osvojili su ukupno 42 nagrade na međunarodnim takmičenjima, od kojih je 28 nagrada za osvojeno prvo mjesto, 12 nagrada za drugo mjesto i 2 za treće mjesto. Do kraja školske godine, za učenike predstoji učestvovanje na takmičenju u Abu Dabiju (Ujedinjeni Arapski Emirati) te na Festivalu Rhapsody Sarajevo.

Gradonačelnik Distrikta i šef Odjeljenja za javnu sigurnost posjetili općinu Čelić

Gradonačelnik Brčko distrikta Bosne i Hercegovine Esed Kadrić i šef Odjeljenja za javnu sigurnost Bogdan Bratić posjetili su općinu Čelić u kojoj je proglašeno stanje prirodne nesreće zbog obilnih kišnih padavina koje su prouzrokovale poplavu u ovoj općini.

Kadrić i Bratić razgovarali su s načelnikom općine Admirom Hrustanovićem i članovima ekipe civilne zaštite nakon čega su obišli pojedine oštećene lokalitete.

Kako je kazao gradonačelnik, brčanska ekipa civilne zaštite, vatrogasne jedinice te ekipe iz JP „Komunalno Brčko“ intenzivno pružaju pomoć u saniranju šteta.

„Radi se o velikim štetama na stambenim i privrednim objektima, putevima, mostovima, i Vlada Distrikta će pružiti svu neophodnu pomoć kako bi se ova zajednica oporavila. Mi smo 2014. godine prošli kroz alarmantno stanje poplava na području Distrikta i suosjećamo s mještanima Čelića. Brčko distrikt BiH je uvijek bilo i bit će spremno da pruži pomoć svim zajednicama koje se, nažalost, suoče s elementarnim nepogodama“, izjavio je Kadrić.

Tokom obilaska prisutni mještani kazali su da ne pamte razor kakav se dogodio proteklih dana te su se zahvalili na brznoj reakciji i pruženoj pomoći Brčko distrikta BiH.





Кадрић и Савић разговарали о будућој сарадњи Дистрикта и Општине Лопаре

Градоначелник Брчко дистрикта Босне и Херцеговине Есед Кадрић у Градској вијећници уприличио је пријем за начелника Општине Лопаре Раду Савића и директора Дома здравља Лопаре Желимира Нешковића након чега је одржан састанак на тему пружања подршке и будуће сарадње Дистрикта и Општине Лопаре.

Пријему су такође присуствовали главни координатор Владе Жељко Антић, шеф Одјељења за комуналне послове Мајазудин Вехабовић и шеф Одјељења за јавне послове Ратко Стјепановић.

Градоначелник Кадрић казао је да је изузетно битно стварати и његовати добре односе са другим локалним заједницама, а нарочито са оним које су близу Дистрикта.

Присутни су разговарали о сличностима и разликама у образовним и здравственим системима, те је начелник Савић присутне упознао са планираним пројектима у општини Лопаре који се тичу путне инфраструктуре између Дистрикта и Лопара.

Кадрић је казао да ће Брчко дистрикт БиХ пружити подршку у спровођењу пројеката, с обзиром на то да се ради о путној комуникацији до Тузле коју користи и велики број становника Дистрикта.

Начелник Савић и директор Нешковић су се захвалили градоначелнику Кадрићу и његовим сарадницима на пријему казавши да се овим састанком потврђује и јача добра сарадња са Дистриктом.

Vlada Distrikta izdvojila novčanu pomoć za Općinu Čelić

Na održanoj 59. redovnoj sjednici Vlada Brčko distrikta Bosne i Hercegovine odobrila je na prijedlog Odjeljenja za poljoprivredu, šumarstvo i vodoprivredu, Odluku o odobravanju Programa samozapošljavanja u poljoprivredi na području Brčko distrikta BiH u 2022. godini, čija je svrha doprinos razvoju poljoprivrede Distrikta, u vidu finansijske podrške za lica koja žele započeti ili su započela poljoprivrednu proizvodnju.

Kriteriji na osnovu kojih će se vrednovati podnesene aplikacije su, između ostalog, značaj projekta i njegov doprinos poboljšanju uslova za razvoj, doprinos projekta stvaranju uslova za zapošljavanje i mogućnost dodatnog zapošljavanja u naredne dvije godine, kao i održivost projekta.

Na prijedlog Odjeljenja za zdravstvo i ostale usluge Vlada je usvojila Odluku o usvajanju Programa utroška sredstava za dodjelu tekućeg transfera za javne fondove Fondu zdravstvenog osiguranja Brčko distrikta BiH u svrhu liječenja specifičnih bolesti van

Distrikta, po preporuci Komisije FZO, čije liječenje nije moguće u JZU „Zdravstveni centar Brčko“ Brčko distrikt BiH, niti u zdravstvenim ustanovama okruženja s kojima FZO Brčko distrikta BiH ima ugovor.

Usvojena je Odluka o odobravanju donacije i usvajanja Programa utroška sredstava za tekuće donacije mjesnim zajednicama na području Brčko distrikta BiH za 2022. godinu, koju je predložilo Odjeljenje za stručne i administrativne poslove. Spomenutom odlukom odobravaju se donacije u svrhu podmirivanja tekućih troškova, u vidu komunalnih troškova, troškova administracije, poreza, taksi i drugih troškova neophodnih za nesmetan rad mjesne zajednice.

Vlada Distrikta je na sjednici odobrila prijedlog Direkcije za finansije Distrikta o izdvajanju novčanih sredstava u iznosu od 50.000,00 KM za pomoć Općini Čelić, zbog štete nastale uslijed poplava.





Gradonačelnik Kadrić i direktor Osmanović položili kamen temeljac

Gradonačelnik Brčko distrikta BiH Esed Kadrić zajedno sa direktorom JZU „Zdravstveni centar Brčko“ Emirom Osmanovićem, položio je kamen temeljac povodom izgradnje javnog objekta za potrebe JZU, pored Doma zdravlja u brčanskom naselju Kolobara.

Izgradnjom ovog objekta oslobodit će se sadašnji kapaciteti u okviru Bolnice i Doma zdravlja, omogućiti proširenje pojedinih bolničkih odjeljenja, te su ujedno osigurane prostorije za administraciju JZU i Pododjeljenje za javno zdravstvo, kao i garaža za sanitetska vozila. Kako je kazao gradonačelnik Kadrić, radi se o investiciji koja iznosi nešto više od 2.000.000,00 KM, a što predstavlja ukupno dobro za poslovnu aktivnost Distrikta. „Očekujem da ćemo izgradnjom ovog objekta moći sistematizirati ukupne prostorne

potrebe i pružiti prostor za obavljanje nekih neophodnih i nedostajućih aktivnosti naše zdravstvene ustanove“, kazao je Kadrić.

Salih Ibrahimbegović, portparol JZU, kazao je da je rok za izvođenje radova 16 mjeseci od dana uvođenja izvođača radova u posao, te se u ime menadžmenta JZU zahvalio Vladi Brčko distrikta Bosne i Hercegovine i Odjeljenju za zdravstvo i ostale usluge na kontinuiranoj podršci s ciljem stvaranja boljeg i kvalitetnijeg ambijenta zdravstvenih usluga u Brčko distriktu BiH.

Polaganju kamena temeljca također su prisustvovali zamjenik gradonačelnika Anto Domić, glavni koordinater Vlade Željko Antić, šef Odjeljenja za zdravstvo i ostale usluge Sead Šadić te rukovodioci Bolnice i Doma zdravlja Brčko Đorđe Lazić i Danica Lazić.

A photograph showing four men in dark suits and ties seated around a large, dark wooden conference table. They are in a formal room with red walls and large wooden doors in the background. On the table are several water bottles, glasses, and nameplates. The man on the far left is looking towards the center, while the others are looking towards the right. The text is overlaid in large yellow font across the bottom half of the image.

Čelnici Vlade Distrikta upriličili prijem za delegaciju Samsuna grada pobratima iz Republike Turske



Gradonačelnik Brčko distrikta BiH upriličio je u Gradskoj vijećnici prijem za delegaciju grada Samsuna na čelu s gradonačelnikom Samsuna Mustafom Demirom, u kojoj su bili i predstavnici Gradske uprave te Privredne komore Samsuna.

Sastanku su prisustvovali i zamjenik gradonačelnika Distrikta Anto Domić, glavni koordinator Vlade Željko Antić, šef Odjeljenja za komunalne poslove Majazudin Vehabović, šef Odjeljenja za privredni razvoj, sport i kulturu Pero Gudeljević, šef Odjeljenja za poljoprivredu, vodoprivredu i šumarstvo Milenko Ninković te savjetnik gradonačelnika Esad Antić.

Gradonačelnik Demir je tokom sastanka upoznat s potencijalima Brčko distrikta BiH kako u kulturnom tako i u privrednom aspektu te je iskazan interes za mogućnost ulaganja kao vid privredne saradnje između Brčko distrikta BiH i grada Samsuna.

Gradonačelnik Brčko distrikta BiH Esad Kadrić je na konferenciji za novinare organizovanoj povodom trodnevne posjete delegacije Samsuna Brčko distriktu BiH izrazio zadovoljstvo zbog uzvratne posjete gradonačelnika Demira te delegacije Gradske uprave i Privredne komore Samsuna, kazavši da je došlo vrijeme za konkretnu realizaciju potencijalnih projekata.

„Mi smo analizirali dosadašnju saradnju i potencijale koje Brčko u ovom trenutku nudi, od uspostave Bescarinske zone do revitalizacije brčanske Luke koja može biti u funkciji direktne veze preko rijeke Save do Crnog mora, između Brčkog i Samsuna. Ova je posjeta jako važna za nas s obzirom da smo se danas susreli i s predstavnicima kompanije Bimal i Bosnaplod. Također je otvorena mogućnost zajedničkih investicija u oblasti tekstilne industrije i pronalaskom lokalnih partnera koji bi bili podrška investitorima iz Turske“, naglasio je gradonačelnik Kadrić.

Gradonačelnik grada Samsuna Mustafa Demir je izrazio zahvalnost i zadovoljstvo zbog srdačnog prijema i posjete Distriktu istaknuvši želju za ostvarenjem plodne saradnje u oblasti trgovine, ali i proizvodnje, posebno tekstila.

„Danas smo saznali da se u Brčko distriktu BiH nalazi luka na rijeci Savi, koja je od velikog značaja i predstavlja poveznicu sa Crnim morem, a naš grad se svakako nalazi na njegovim obalama. U Brčkom vidimo potencijal ne samo za tekstilnu proizvodnju nego i mnoge druge potencijale, a pogotovo nam je važan geografski položaj Distrikta za poslovanje ka Evropi. Glavna tema naše posjete je bilo pitanje saradnje u privrednom razvoju i nadamo se da ćemo uz puno truda koji je svakako potreban ostvariti sve“, rekao je gradonačelnik Samsuna Mustafa Demir.

Gradonačelnik Demir je dodao da je Brčko veoma važno te da je potrebna dobra strategija i puno snage za ostvarivanje bilo kakvog daljnjeg koraka.

Gradonačelnik Kadrić je gostima uručio proizvode naših lokalnih proizvođača „Briž“ d. o. o. i „Mingos-coffee“ d. o. o.



Šef Odjeljenja za komunalne poslove obišao radove na izgradnji vodovodnih i kanalizacionih mreža

Šef Odjeljenja za komunalne poslove Vlade Brčko distrikta Bosne i Hercegovine Majazudin Vehabović obišao je radove na izgradnji vodovodne mreže na putu Grbavica Plazulje, te izgradnji vodovodne i kanalizacione mreže u MZ Broduša i MZ Rijeke.

„Izgradnjom ovog cjevovoda u dužini od 1150 metara uvezat ćemo kompletan cjevovod od Fabrike vode prema centru grada, što će riješiti problem stanovnika koji nisu bili povezani na cjevovod“, kazao je Vehabović te dodao da je vrijednost ovog projekta oko 197.000,00 KM. Izvođač radova je konzorcij, firma „Dejokop“ d. o. o. Orašje i „Borhtech“ d. o. o. Brčko, a rok za izvođenje radova iznosi 100 radnih dana.

Kako je na terenu kazao Vehabović, u MZ Broduša radi se simultano priključivanje: 240 metara vodovodne i 206 metara kanalizacione mreže. „Izvođač radova je firma „Santovac“ d. o. o. Brčko i vrijednost projekta je oko 80.000,00 KM. Radovi su počeli prije otprilike 10 dana, a rok za završetak je 60 radnih dana“, dodao je on.

U MZ Rijeke, tačnije na miniobilaznici Čardaklije Rijeke također se radi vodovodna i kanalizaciona mreža, u dužini od 810 metara. Vrijednost izgradnje ovih mreža je između 230 i 250.000,00 KM, a izvođač radova „Balagem“ Gradačac ima rok od 120 radnih dana za završetak radova.



У Градској вијећници отворена изложба „Сјећање на Алексу Микића“

У галерији Градске вијећнице отворена је изложба под називом „Сјећање на Алексу Микића“, која је организована у сарадњи Службе за архив Одјељења за јавни регистар Владе Брчко дистрикта Босне и Херцеговине и Српског културног и просвјетног друштва „Просвјета“ Брчко. Изложбу је свечано отворио градоначелник Брчко дистрикта Босне и Херцеговине Есед Кадрић, а присутнима су се такође обратили шеф Службе за архив Ђазим Суљевић, архивисткиња Тамара Вијоглавин Манчић те предсједник СКПД „Просвјета“ Драган Томић.

Градоначелник Кадрић је у свом обраћању казао да се ради о врло значајној изложби те је истакао да Влада Дистрикта пружа пуну подршку за давање назива једној улици у Брчком по Алекси Микићу како би се очувало сјећање на овог књижевника.

Драган Томић, предсједник „Просвјете“, се у име друштва захвалио наставницима српског језика који су покренули ову иницијативу, као и МЗ Буквик гдје ће данас бити откривена спомен-биста за Алексу Микића, који је у овом мјесту рођен на

данашњи дан прије 110 година.

„Захваљујемо се градоначелнику Брчко дистрикта БиХ и Служби за архив на покровитељству изложбе и финансирању израде каталога и материјала за исту и позивам суграђане да посјете ову изложбу и погледају стваралаштво Алексе Микића“, изјавио је у свом обраћању Томић.

„Сprovedено је једно обимно истраживање у архивима и библиотекама у Бања Луци, Сарајеву и Београду и дошли смо до вриједне архивске грађе из које је дио представљен данас изложбеним каталогом“, казао је Суљевић.

Изложба ће за све заинтересоване посјетиоце бити отворена радним данима до 8. јула 2022. године.

Подсјећамо, књижевник Алекса Микић рођен је у селу Буквик код Брчког и аутор је многобројних књига за дјецу, дугогодишњи новинар листа „Ослобођење“ Сарајево, главни уредник листова за дјецу „Мале новине“ и „Весела свеска“ те добитник годишње награде Друштва писаца Босне и Херцеговине за 1957. годину.



Odjeljenje za javnu sigurnost pružilo pomoć u potrazi za nestalom osobom u Općini Lopare



Odjeljenje za javnu sigurnost, Jedinica za civilnu zaštitu Vlade Brčko distrikta Bosne i Hercegovine na zahtjev općine Lopare, učestvovala je u pružanju pomoći u potrazi za starijom nestalom osobom na teritoriji ove općine.

U potrazi iz Brčko distrikta BiH učestvovalo je 10 pripadnika Odjeljenja, zajedno sa 10 pripadnika brčanskih nevladinih organizacija, Gorske službe spašavanja Brčko te Norveške narodne pomoći, uz angažovanje 5 terenskih vozila, sanitetskog vozila i drona.

Odjeljenje za javnu sigurnost i volonteri su pružili pomoć u saradnji sa Policijom Općine Lopare, lokalnim vlastima Lopara te Republičkom upravom civilne zaštite Republike Srpske.



Jonathan Mennuti

novi supervizor za Brčko distrikt BiH



Jonathan Mennuti zvanično je preuzeo funkciju prvog zamjenika visokog predstavnika u Bosni i Hercegovini kao i funkciju supervizora za Brčko distrikt BiH. Prije Mennutija ovu funkciju obavljao je Michael Scanlan.

Visoki predstavnik Christian Schmidt pozdravio je imenovanje novog zamjenika visokog predstavnika i supervizora za Brčko i kazao da je siguran da će veliko iskustvo Mennutija i poznavanje situacije u regiji značajno doprinijeti provođenju misije OHR-a.

Mennuti je karijerni diplomata Više službe za vanjske poslove, u rangu ministra-savjetnika. Prije dolaska u BiH, Mennuti je obavljao funkciju vršioca dužnosti načelnika pri uredu državnog podsekretara za rukovođenje i direktora za napredovanje u karijeri i raspoređivanje na funkcije Ministarstva

vanjskih poslova SAD-a u Washingtonu, D.C.

Prethodno je u Washingtonu vršio dužnost zamjenika izvršnog direktora Biroa za evropske poslove i Biroa za poslove s međunarodnim organizacijama i zamjenika izvršnog direktora Izvršnog sekretarijata u State Departmentu. U inostranstvu je obavljao dužnosti u Istanbulu, Turska; Beogradu, Srbija; Almatiju i Astani, Kazahstan; te u Moskvi, Rusija. Prije nego se pridružio State Departmentu, radio je za Ministarstvo trgovine SAD-a pri ambasadama u Atini, Grčka, i Seulu, Južna Koreja.

Mennuti je diplomirao na Univerzitetu Georgetown u oblasti vanjskih poslova, a postdiplomski studij međunarodnih odnosa i zvanje magistra nauka stekao je na Univerzitetu Yale. Učio je bosanski, turski, srpski, ruski i grčki jezik.



Kancelarija gradonačelnika, Sekretarijat Vlade Brčko distrikta BiH,
Sektor za informisanje Vlade Brčko distrikta BiH
Bulevar mira 1, 76100 Brčko distrikt BiH

vlada.bdcentral.net